

# Adela Jašarević - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Adela Jašarević
Naziv Teme	Govor Tuzle na kraju devetnaestog stoljeća
Rezime/Abstract	<p>Predmet istraživanja ovoga rada su najznačajnije osobine u govoru Tuzle koje se nalaze u dijalektološkoj građi o tuzlanskom govoru. Ta je građa sadržana u osam kvestionara Pitanja o govoru prostoga naroda, koji su popunjeni u Tuzli 1897. godine. Na osnovu građe iz upitnika opisane su fonetsko-fonološke osobine (zamjena jata, supstitucije vokala, pokretni vokali, kontrakcije vokala, alternacije fonema, konsonantski sistem, te akcenatske odlike), morfološke osobine (padežni sistem i druge odlike promjenljivih riječi) te sintaksičke i leksičke osobine tuzlanskoga govora s kraja devetnaestog stoljeća. Osobine koje su karakteristične za ovaj govor uspoređivane su s opisanim osobinama ovoga govora iz kasnijeg perioda, kao i sa sličnim poznatim osobinama iz drugih bosanskohercegovačkih govora. Prema svojim fonetskim karakteristikama tuzlanski govor s kraja devetnaestog stoljeća ne odstupa znatnije od stanja u drugim bosanskohercegovačkim govorima. Nema podataka na osnovu kojih bi se mogao utvrditi izgovor pojedinih vokala, ali postoje podaci o supstitucijama, asimilacijama, pojavi sekundarnih vokala i sažimanjima vokala. Zamjena vokala jat u ovom je govoru ijekavska. Navedeni su i primjeri nekoliko ekavizama i ikavizama, ali nedovoljno da bi se smatrali jednom od istaknutih karakteristika govora ovog područja. Nema znatnijih odstupanja konsonantskog sistema od stanja u drugim bosanskohercegovačkim govorima. Fonem h je stabilan, ali postoje i primjeri njegovog gubljenja. Razlikovanje afrikatskih parova u ovom je govoru dosljedno očuvano. Iako pripada šćakavskom dijalektu, ovaj govor ima primjera i sa št i žd od konsonantskih sekvenci *st i *sk, *zd i *zg. U građi nije zabilježeno dovoljno podataka o akcenatskom sistemu, ali su se na osnovu opisanoga izgovora dugoga jata i usporedbe sa akcenatskim sistemom susjednih govora mogle izdvojiti i neke akcenatske značajke. Ni po svojim morfološkim karakteristikama ovaj govor ne odstupa znatnije od drugih ijekavskošćakavskih bosanskih govora. Muška hipokoristična lična imena tipa Mujo imaju promjenu po obrascu Mujo, Muje, Muji, česte su pokazne zamjenice otaj, ovi, oni (čovjek), a potvrđen je i imperfekt. Od sintaksičkih osobina u radu su opisane neke pojave iz sintakse padeža i sintakse glagola, a date su i neke leksičke karakteristike jer je leksika ovoga govora izuzetno zanimljiva i ima dosta riječi koje se ne upotrebljavaju u savremenom jeziku. U radu je pokazano da se govor Tuzle na kraju 19. stoljeća po svojim osobinama nije bitno razlikovao od govora Tuzle iz kasnijeg perioda.</p>
Datum	19.09.2017
Predsjednik	d Sead Nazibegović, vanredni profesor za uža naučnu oblast "Lingvistika" na Filozofskom fakultetu Univerziteta u Tuzli
Mentor	dr sc. Refik Bulić, redovni profesor za uža naučnu oblast "Lingvistika" na Filozofskom fakultetu Univerziteta u Tuzli,
Član komisije	dr sc. Marijana Nikolić, vanredni profesor za uža naučnu oblast "Lingvistika" na Filozofskom fakultetu Univerziteta u Tuzli
Član komisije	-
Član komisije	-
Zamjenski član	dr sc. dr sc. Mirsad Kunić, vanredni profesor za užu naučnu oblast "Književnost" na Filozofskom fakultetu Univerziteta u Tuzli
Dodatni detalji i lokacija	Javna odbrana magistarskog rada obaviti će se 19.09.2017. u 11:00 sati na Filozofskom fakultetu Univerziteta u Tuzli.
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.